

समा. 09.20 Hrs

# Headlines

1. 1965 च पाकिस्तान पर भारत दी जित दे 60 बर्रे पूरे होने दे सरबंध्य च जम्मू च साबका फौजिएं दी इक बड्डी रैली दा आयोजन - एल.जी मनोज सिन्हा होरें आखेआ जे साबका फौजी, राश्ट्र दे मजबूत थम्म न।
2. मुखमंत्री ओमर अब्दुल्ला होरें आखेआ ऐ जे पाकिस्तान-अफगानिस्तान दे बन्ने पर होआ'रदे संघर्श दा कोई सिद्धा असर जम्मू-कश्मीर उप्पर नेई पौग। उ'नें खिते च रमानदारी ते स्थिरता जकीनी बनाने दा आह्वान कीता ऐ।
3. उदयपुर च जारी राज्यें ते केन्द्र शासत प्रदेशें दे सैलसफा मंत्रिएं दे द'उं दिनें दे सम्मेलन च जम्मू-कश्मीर बी शिरकत करा'रदा ऐ ते प्रदेश दे डेलीगेशन दी अगुवाई मुखमंत्री हुं'दे सलाहकार नासिर असलम वानी करा'रदे न।
4. केई सार्वजनिक डेलीगेशनें ते विधायकें मुखमंत्री हुं'दे राबता दफ्तर च उं'दे नै मलाटी करियें विकास-बाददे सरबंधी प्राथमिकताएं ते सार्वजनिक मसलें गी उं'दे अगगे रक्खेआ।
5. जम्मू-श्रीनगर राश्ट्री जरनैली सिड़कें पर अज्ज हौली मोटर गड्डिएं दी दौनें बक्खी दा आओजाई दी खुल्ल दिती गेदी ऐ। बड्डी मोटर गड्डिएं गी इक दिन छोड़ियै इक दिन चलने दी इजाजत ऐ।

< > < > < > < > < > < >

<><><><><><>

## LG Ex-Serviceman Rally

लेफ्टिनेंट गवर्नर मनोज सिन्हा होरें 65 दी जंग च पाकिस्तान पर थोई दी जित दे 60 बरें पूरे होने दे सरबंथै च जम्मू च आयोजित साबका-फौजिएं दी इक बड्डी रैली गी कल संबोधित कीता। शहीदें दे बलिदानें गी नमन करदे होई एलजी होरें थेह्ारबंद बलें दी दलेरी ते राश्ट्र दे निर्माण च साबका फौजिएं दी भूमिका दी सराहना कीती। साबका फौजिएं दी इस धरतै गी पवितर करार दिंदे होई एल.जी होरें आपरेशन सिंदूर ते कुदरती क्रोपिएं मगरा लोकें गी राहत उपलब्ध करोआने च उंदे जोगदान पर लोs पाई। उंनै साबका फौजिएं गी गुजारिश कीती जे ओह् देशभक्ति ते अनुशासन दे राहें नौजवानें गी प्रेरित करने दा कम्म करन। फौज दी पच्छमी कमान ते 26 इनफैंटरी डिवीजन आसेआ आयोजित इस कार्यक्रमै च फौज दे बड्डे ऐहलकारें दे कन्नो-कन्नी खरी मती गिनतरी च साबका फौजिएं ते वीर-नारिएं बी हिस्सा लैता। इस मौके किट्ठे अग्गे भाशण दिंदे होई एल.जी मनोज सिन्हा होरें आखेआ

<><><><><><>

## CM Pak Budgam

पाकिस्तान, अफगानिस्तान दे बन्ने पर हाल च होई दिएं झड़फें दे मददेनज़र, मुखमंत्री ओमर अब्दुल्ला होरें आखेआ ऐ जे इंनै हालात दा जम्मू-कश्मीर उप्पर कोई सिद्धा असर नेई पौग। बारामूला दे अपने दौरे दरान मीडिया कन्नै गल्ल करदे होई मुखमंत्री होरें आखेआ जे दौनै गवांडी मुख्खें बशकार होआ करदा एह् संघर्ष भारत लेई चैंता दा विशे ऐ पर एह्दे कन्नै जम्मू-कश्मीर च जमीनी हालात प्रभावत नेई होडन। उंआं उंनै इब्बी आखेआ जे भामें इस संघर्ष दा असर जम्मू-कश्मीर पर नेई होग पर अस मेद करने आं जे एह् संघर्ष तौले खत्म

होग ते रमानदारी ब्हाल होई जाहग। मुखमंत्री होरें इलाकाई स्थिरता दे महत्वै पर लोs पांदे होई आखेआ जे एह संघर्श अग्गे होर नेई भड़के, इस गल्लै गी जकीनी बनाया जाना लोड़चदा ऐ। मीडिया कर्मिं कन्नै इस बारै गल्ल करदे होई मुखमंत्री होरें आखेआ.

<><><><><><>

## Tourism Meetings

राजस्थान दे उदयपुर शैहरा च जंदे रोज थमां शुरु होए दे राज्यें ते केन्द्र शासत प्रदेशें दे सैलसफा मंत्रिं दे द'उं दिनें दे सम्मेलन च जम्मू-कश्मीर बी शिरकत करा'रदा ऐ। जम्मू-कश्मीर दे डेलीगेशन दी अगुवाई मुखमंत्री हुं'दे सलाहकार नासिर असलम वानी होर करा'रदे न जि'नें केन्द्र शासत प्रदेश दी सैलसफा मतल्लक समर्थ ते जम्मू-कश्मीर गी पूरे बरे सैलसफा आहली इक बेहतरीन थाह दे तौर पर विकसित करने लेई कीते जा'रदे जतनें उप्पर लोs पाई। इस मौके पर जेहड़े प्रमुख इलाकें बारै गल्ल कीती गेई उं'दे च गुलमर्ग, सोनामर्ग, गुरेज़, सुकराला देवी, शिवखोड़ी, मचेल माता ते सरथल देवी, खीर भवानी आहले धार्मिक सैलसफा सर्किट शामल न। इस सम्मेलन दा उद्घाटन कल केन्द्री सैलसफा मंत्री गजेन्द्र सिंह शेखावत होरें कीता हा ते एहदा मकसद सैलसफा गी बढ़ावा देने लेई केन्द्र ते राज्यें बश्कार साथ-सैहयोग गी होर मजबूत करना ऐ। इस मौके पर बोलदे होई केन्द्री सैलसफा मंत्री गजेन्द्र सिंह शेखावत होरें आखेआ .

<><><><><><>

मुख्य सचिव अटल डुल्लु होरें पी.एम. गति शक्ति पोर्टल दी प्रगति दा जायजा लैने लेई कल इक बैठक दी अध्यक्षता कीती जेहदे च मुख्य तौरा पर ध्यान जम्मू-कश्मीर च बेहतर ढंगे सिर योजना तयार करने च मदद लेई पोर्टल पर थीम आधारित डेटा अपलोड करने दिता गया। मुख्य सचिव होरें मैहकमे गी जोर देइयै आखेया जे ओ मिशन युवा, राई-बाई, शिक्षा, सेहत रोजगार ते करोपिं दी शेंका आहले इलाकें दे बारे च जानकारी पोर्टल पर सांझी करन तांजे तत्थें-सबूतें पर आधारित शासकीय कम्में च बढ़ावा होई सकै। मीटिंगें च जानकारी दिती गई जे 28 लाजमी ते 600 कोला मतियें पूरक लेयरर्स दे अपलोडिंग दा कम्म पूरा होई चुके दा ऐ। मुख्य सचिव डुल्लु होरें जम्मू-कश्मीर च विकास गी गति ते रफ्तार देने लेई, डेटा अपलोडिंग दे कम्मै च इक-दुए क्षेत्र कन्नै नेइमा तालमेल बनाई रखने पर बी जोर दिता।

<><><><><><>

CM Robita

श्रीनगर स्थित मुख्यमंत्री उमर अब्दुल्ला हुंदे राबिता दफ्तर च कल लोकें दे केई शिष्टमंडल उनेंगी जाइयै मिले ते अपने मुद्दे-मसलें ते मंगां उन्दे अगगे रखियां। इनें बैठकें दौरान जिनें मुद्दें गी उजागर कीता गया, उन्दे च ढांचागत विकास, नागरिक सुविधां, बिजली पानी दी सप्लाई, सिड़क राबता जनेए विषय शामिल हे। मुख्यमंत्री होरें सब्भनैं दियें मंगें गी धरोइयै सुनेया ते जकीन दोआया जे उन्दे हर जायज मुद्दे गी पैहल दी बिनाह पर नबेइने दी कोशिश कीती जाहग। किश विधायक बी मुख्यमंत्री होरें गी मिले ते अपने-अपने हलके च जारी विकास परियोजनाएं ते महत्वपूर्ण विकास प्राथमिकतां बारे गल्लबात कीती। उमर अब्दुल्ला होरें पूरे

जम्मू-कश्मीर च बुनियादी ढांचे गी मजबूत बनाने, जरूरी सेवाएं गी बधाने ते बेहतर लोक कल्याण दे सरकार दे धेड़्यै गी फही पक्का कीता।

<><><><><><>

Poshan Maah

लोकें गी सतदार खुराक दे महत्व बारै जागरूक बनाने दे मकसद कन्नै मुख्य भरै च चलायी जा'रदी म्हीने भरै दी पोषण माह आहली राश्ट्री पैहल हुन अपने समापन बक्खी बधा करदी ऐ। इस ब'रे पोषण माह दे दरान लोकें गी मोटापे दा मुकाबला करने ते अपनी खुराक च खंड, लून ते तेल दी मात्रा घट्ट करने बारै जागरूक बनाया जा'रदा ऐ। इस अभियान दे दरान केई कार्यक्रमें दा सरिस्ता कीता गेआ ऐ जिंदे च स्तनपान दे महत्व, स्वस्थ बालक स्पर्धा ते स्हेई खान-पान सरबन्धी आदतां विकसित करने सरबन्धी कार्यक्रम शामिल हे। जंदी 17 सितम्बर थमां मनाए जा'रदे पोषण माह दा मकसद, पोषण बारै जागरूकता पैदा करना, लोकें अंदर बवहारिक बदलाव आहनना ते सेहतमंद जीवन शैली दे राहें सेहतमंद मुख्य दा निर्माण करना ऐ। इस सरबन्धे च साढ़े संवाददाता कन्नै गल्ल करदे होई रामबन दे जिला प्रोग्राम अधिकारी जहांगीर हाशमी होरें आखेआ.

<><><><><><>

Duggar Utsav

क्लस्टर युनिवर्सिटी जम्मू च आयोजित दंडु दिनें दा डुग्गर उत्सव कल सम्पन्न होई गया, जेहदे च डुग्गर प्रांतै दी समृद्ध-सगोसार विरासत, रीति रिवाजें, कलाएं ते संस्कृति गी बड़े शैल

सनाहकड़े ते दिलचस्प ढंगे कन्नै उजागर कीता गया ऐ। डुग्गर उत्सव दे मुख आकर्षण च निबंध लेखन, वाद-विवाद, लोक-गीत प्रतियोगितां ते होर केई कार्यक्रम शामिल हे, जिंदे च नौजवाने बधी-चढ़ियै हिस्सा लैता। समापन समारोह च विधायक विक्रम रंधावा ते वाइस चांसलर प्रोफेसर के.एस. चन्द्रशेखर मजूद हे। जेतुएं गी इस मौके नकद ईनाम ते प्रमाण-पत्र बी भेंट कीते गे। इस मौके विधायक विक्रम रंधावा होरें आखेया.

<><><><><><>

## Traffic

जम्मू-श्रीनगर राष्ट्रीय जरनैली सिड़कें पर अज्ज यात्री गड़्डियें ते प्राइवेट कारे समेत हर किस्मै दी हौलियें मोटर-गड़्डियें गी दंऊ तरफा आओ-जाई दी खुल्ल दिती गेदी ऐ। जिसलै जे बड़्डियें गड़्डियें गी इक दिन छुड़ियै इक दिन जाने दी इजाजत ऐ। ट्रैफिक मैहकमे आसेया जारी जानकारी मुजब श्रीनगर आहली बक्खी जाने आहलियें हौलियें मोटर-गड़्डियें गी बड़्डलै 8 बजे कोला लेइयै 11 बजे तगर गै नगरोटा कोला अगगे जाने दी इजाजत दिती गेदी ऐ जिसलै कि काजीगुंड थमां जम्मू औने आहली गड़्डियें गी बड़्डलै 10 बजे धोड़ी गै अगड़े जाने दी इजाजत ऐ। यात्रियें ते गड़्डी चालकें गी सलाह दिती गेदी ऐ ओ जारी सलाह मताबक गै अपनी यात्रा दी त्त्यारी करन।

<><><><><><>